

靜觀齋雜錄

顏氏家訓勉學篇（顏氏名之推北齊人）

自古明王聖帝猶須勤學。况凡庶乎。此事遍於經史。吾亦不能鄭重。聊舉近世切要。以終寤汝耳。士大夫子弟。數歲已上。莫不被教。多者或至禮傳。少者不失論詩。及至冠婚。體性稍定。因此天機。倍須訓誘。有志尚者。遂能磨礪。以就素業。無履立者。自茲惰慢。便爲凡人。人生在世。會當有業。農民則計量耕稼。商賈則計論貨賄。工巧則致精器用。伎藝則沈思法術。武夫則慣習弓馬。文士則講論經書。多見士大夫。恥涉農商。羞務工伎。射既不能。穿札筆則纔記姓名。飽食醉酒。忽忽無事。以此銷日。以此終年。或因家世餘緒。得一階半級。便謂爲足。安能自苦。及有吉凶大事。議論得失。蒙然張口。如坐雲霧。公私晏集。談古賦詩。塞默低頭。欠伸而已。有識旁觀。代其入地。何惜數年勤學。長受一生愧辱哉。梁朝全勝之時。貴游子弟。多無學術。至於諺云。上車不落。則著作。體中如何。則秘書。無不熏衣剃面。傅粉施朱。駕長簷車。跟高齒屐。坐碁子方褥。憑班絲隱囊。列器玩於左右。從容出入。望若神仙。明經求第。則雇人答策。三九公讌。則假手賦詩。當爾之時。亦快士也。及離亂之後。朝市遷革。銓衡選舉。非復曩者之親當路。秉權不見。昔時之黨。求諸身而無所得。施之世而無所用。披褐而喪珠。失皮而露質。兀若枯木。泊若窮流。鹿獨戎馬之間。轉死溝壑之際。當爾之時。

誠。驚。材。也。有。學。藝。者。觸。地。而。安。自。荒。亂。已。來。諸。見。俘。虜。雖。百。世。小。人。知。讀。論。語。孝。經。者。尙。爲。人。師。雖。千。載。冠。冕。不。曉。書。記。者。莫。不。耕。田。養。馬。以。此。觀。之。安。可。不。自。勉。耶。且。又。聞。之。生。而。知。之。者。上。學。而。知。之。者。次。所。以。學。者。欲。其。多。智。明。達。耳。必。有。天。才。拔。羣。出。類。爲。將。則。闡。與。孫。武。吳。起。同。術。執。政。則。懸。得。管。仲。子。產。之。教。雖。未。讀。書。吾。亦。謂。之。學。矣。今。子。既。不。能。然。不。師。古。之。蹤。跡。猶。蒙。被。而。臥。耳。人。見。隣。里。親。戚。有。佳。快。者。使。子。弟。慕。而。學。之。不。知。使。學。古。人。何。其。蔽。也。哉。世。人。但。知。跨。馬。被。甲。長。稍。強。弓。便。云。我。能。爲。將。不。知。明。乎。天。道。辨。乎。地。利。比。量。逆。順。鑒。達。興。亡。之。妙。也。但。知。承。上。接。下。積。財。發。穀。便。云。我。能。爲。相。不。知。敬。鬼。事。神。移。風。易。俗。調。節。陰。陽。薦。舉。賢。聖。之。至。也。但。知。私。財。不。入。公。事。夙。辦。便。云。我。能。治。民。不。知。誠。已。刑。物。執。轡。如。組。反。風。滅。火。化。鷗。爲。鳳。之。術。也。但。知。抱。令。守。律。早。刑。晚。舍。便。云。我。能。平。獄。不。知。同。轅。觀。罪。分。劍。追。財。假。言。而。奸。露。不。問。而。得。情。之。察。也。爰。及。農。商。工。賈。廝。役。奴。隸。釣。魚。屠。肉。飯。牛。牧。羊。皆。有。先。達。可。爲。師。表。博。學。求。之。無。不。利。於。事。也。夫。所。以。讀。書。學。問。本。欲。開。心。明。目。利。於。行。耳。未。知。養。親。者。欲。其。觀。古。人。之。先。意。承。顏。怡。聲。下。氣。不。憚。劬。勞。以。致。甘。輒。惕。然。慙。懼。起。而。行。之。也。未。知。事。君。者。欲。其。觀。古。人。之。守。職。無。侵。見。危。授。命。不。忘。誠。諫。以。利。社。稷。惻。然。自。念。思。欲。效。之。也。素。驕。奢。者。欲。其。觀。古。人。之。恭。儉。節。用。卑。以。自。牧。禮。爲。教。本。敬。者。身。基。瞿。然。

自失。斂容抑志也。素鄙吝者。欲其觀古人之貴。義輕財。少私寡欲。忌盈惡滿。窮恤匱。赧然悔恥。積而能散也。素暴悍者。欲其觀古人之小心。黜己齒弊舌。存含垢藏疾。尊賢容衆。爾然沮喪。若不勝衣也。素怯懦者。欲其觀古人之達生。委命強毅。正直立言。必信求福。不回勃然奮厲。不可恐懾也。歷茲以往。百行皆然。縱不能淳。去泰去甚。學之所知。施無不達。世人讀書者。但能言之。不能行之。忠孝無聞。仁義不足。加以斷一條訟。不必得其理。宰千戶縣。不必理其民。問其造屋。不必知楣橫而稅。豎也。問其爲田。不必知稷早而黍遲也。吟嘯談詠。諷詠辭賦。事既優閒。材增迂誕。軍國經綸。略無施用。故爲武人俗吏。所共嗤詆。良由是乎。夫學者。所以求益耳。見人讀數十卷書。便自高。大陵忽長者。輕慢同列。人疾之如讎。敵惡之如鴟梟。如此以學。自損不如無學也。古之學者爲己。以補不足也。今之學者爲人。但能說之也。古之學者爲人。行道以利世也。今之學者爲己。修身以求進也。夫學者。猶種樹也。春玩其華。秋登其實。講論文章。春華也。修身利行。秋實也。人生小幼。精神專利。長成已後。思慮散逸。固須早教。勿失機也。吾七歲時。誦靈光殿賦。至於今日。十年一理。猶不遺忘。二十年之外。所誦經書。一月廢置。便至荒蕪矣。然人有坎壈。失於盛年。猶當晚學。不可自棄。世人婚冠未學。便稱遲暮。因循面墻。亦爲愚爾。幼而學者。如日出之光。老而學者。如秉燭夜行。猶

賢乎。瞑目而無見者也。

反覆提撕。詞旨懇到。所以警戒富貴子弟之處。真如清夜鐘聲。有心人讀之。定當及時自勉。愛惜分陰之意。有不容自己者矣。

仁甫識

靜觀齋叢錄之一

夜燈庭訓

天地生人。畀之以善。而不能禁其爲不善。父母生子。恐其不善。而不能保其必爲善。天地不能禁於人者。責在父兄矣。父兄不能保其子弟者。教嚴子弟矣。蓋子弟上達最難。下流甚易。父母見其少有聰明。欣然私慶。以爲教養有方。雖不敢望其爲聖爲賢。亦可以望其爲儒爲仕。光前裕後。不失爲正經人。豈不又支持一代門戶乎。殊不知聰明可喜。聰明更可憂也。孝子忠臣。豈盡聰明之士。姦臣賊子。那是愚笨之人。千古有愚忠愚孝之稱。未聞有愚賊愚姦之號。可見子弟多一番聰明。正是父兄多一番勞瘁。何也。聰明者善惡之媒也。愚昧之子。想不到他偏想得到。愚昧之子。作不出他偏作得出。教之則善無大小。非伊不能。大者孝親忠君。小者齊家治產。即或命乖運否。守分安貧。亦不致將後裔福基。創壞猶有冀焉。不教則惡無大小。亦非伊不能。小者縱情任性。大者近匪滋淫。甚而人仇天棄。必至家破身亡。幾何不將前人善根。斬斷良可。悲夫。故人樂有賢父兄也。早培其善之基。預防其惡之漸。年幼即令讀性理之書。勿憐其苦。家常亦令學少儀之禮。勿笑其酸。不正之閒。編莫堆案上。喪志之玩物。莫置堂前。少者則擇可親者敬之。長者則可近者交之。

姻親詎皆長厚。世誼豈盡純良。苟其近德之譽。老無可誦。向善之志。少無可誇者。無論姑表姨舅。敬之遠之可也。無論伯叔昆季。禮之避之可也。來吾家責吾子之不學者。是望吾子之力學人也。入吾門斥吾子之無禮者。是望吾子之敦禮人也。憐愛吾子。頻賜食物而不課以詩文者。其人必無益親暱。吾子常與曠遊而不教以技藝者。其人必不端。始則偶飲甜酒。以爲試嘗。無礙。漸而大醉矣。罵街臥巷者。率由此始。則閒弄骨牌。以爲釋悶。何妨。漸而大耍矣。偷當借錢者。率由此始。則播絃吹笛。以爲遊藝。堪誇。漸而演戲矣。入座登場者。率由此。此皆邪正攸分。成敗所係。子弟失足之時。父兄懸心之日。教之猶恐不及。嚴之猶恐少縱。況不嚴不教乎。然杜其漸於外。尤宜防其蘊於中。動靜云爲。皆性真所流露。偏好偏惡。病即中於其微。穉子不離膝下。察其所好。觀其所惡。力爲之正。悉入範圍。尙覺易易。長則識見開。而知所趨避矣。言在此。而心向彼。面雖是。而心卻非。計巧逢迎。術工掩著。而父兄視之。猶爲吾子。吾弟。聰明之極。庶可以無憂矣。豈不爲不肖子弟所愚哉。須知禮貌過者。卑謙遜過者。假好精饌。以悅口腹者。志不高。好華服。以飾身體者。務在外。動作輕佻者。非大器。言辭戲謔者。必賤流。使機關者。姦弄算盤者。刻隨人可否者。無主持。爭我是非者。無涵養。此其小者。殆有甚焉。趨勢者。無丈夫氣。嫌貧者。無仁人心。惟利是視者。貪吝有餘。大言不

慙者學問不足無恥者是敗子尙力者是凶徒好談風月者近於嫖好玩絲絃者近於優好殷勤婦女羣內者近於淫好講說人家陰事者近於訟好入茶館酒肆者濫交之由好入僧會道場者邪心之兆揭人祖父有缺者傷誘人子弟不端者損短見者壽不長害人者天不佑子弟若此是不知有心矣尙知有身乎不知有身矣尙知有家乎不知有家其負親恩背祖訓違師教也必矣吾故謂其必不能文文亦不能素手發科必不能武武亦不能捨身臨陣賤則無不至貧則無不爲醉爲故鄉賭爲守業放債之主敬若尊神賒酒之家親若姻戚正人覩作仇人匪類目爲善類呼羣喚黨盡是兔頭蛇眼之人結拜論交無非犬肺狼心之輩服不被先王之法服言不稱先王之法言淫辭豔曲即其詩篇歪帽廠衣皆其禮數心險相凶身貧志改親朋羞挂齒妻子盡灰心家計越過越窮世路越行越窄門惟壁立室如磬懸祠內舊影當畫買恨價無多墓前老樹作柴燒搜根到底破鞋兩隻踏穿東西南北路舊衫一領披滿春夏秋冬泥餓眼圓睜仍是一腔怒氣寒肩高聳但聞滿口咳聲人非盡無情者助錢幾回花錢幾回人亦只可罷了天豈獨不仁乎降福一次作孽一次天亦無可如何此寇讐也吾子也乎哉此鬼蜮也吾弟也乎哉好家風自此終壞家風自此始桂子根枯蘭孫花謝微論無人發甲可憐那個識丁六義不通孔聖之書一庭豚

犬五倫不達周公之禮。滿戶豺狼。賢良不舉。孝友無聞。悖逆叢生。敗亡立見。年復一年。代復一代。並將始祖何名。先墳何處。皆不識不知矣。其餘何忍言之。此外奚足問哉。吾非諄諄苦口。實因切切痛心。吾居京會。富室連楹。大家比戶。見其子弟。率多英俊。材皆無不可造。然何驕縱成風。不惜物力。安逸成性。不用心思。服求其美。狐貉猶恐不華。食務其精。羊羔尙嫌無味。延師須木偶。論聲價。不論文章。嚴則請去。取友盡膏粱。講風流。不講品行。窮則莫來。好虛務外。好逸惡勞。一藝不通。求名求利。皆笑柄。一夕莫正。生兒生女。盡愁胎。及至黃金用盡。白手空張。少不努力。老大徒悲。不惟可哀。亦誠可惜。豈非木不繩。不直。玉不琢。不成之過歟。爲父兄者。承先人之餘。造後人之福。苟不賢焉。未有不望其子者。苟其賢焉。未有不教其子者。望則不可不教。教則不可不嚴。小學一部。尤爲後生之寶訓也。令其讀一句。講一句。行一句。譬之房科。遵例一條。條不敢更。張譬之長班。教戲然。一步步不須錯亂。日久慣習。不如此亦下不得筆。登不得臺也。子弟亦然。尊卑長幼有其禮。趨踰拜跪有其儀。溫清寢膳。教以作子弟之方。仁義忠信。教以爲居心之法。少而習長。而安。信之既真。行之亦篤。知所以事君。父則忠。孝有根矣。知所以正身心。則性天可保矣。四體不敢放。五倫方可全。檢身若不及脩身。自有餘。即或熾於慾。而心將邪。迫於勢。而足將失。烏知幾句。

書在腔子裏。此中過意不去處。尙得於極危極險時。方寸有主。改悔拯救。於萬一乎。吾故謂小學爲子弟之至寶。無論智愚。皆宜力學而勉行也。蓋人所恃以爲人者。志耳。志者。心之所向也。向乎正則正。向乎邪則邪。有小學以爲心之主。胸中得數十位大聖大賢。維持輔相於其閒。天君自不得踰其閑。而出其囿。而子弟之品行。亦可以定從善祛惡之大概矣。故子弟而志在道學。也不成亦祇失之迂耳。則仍是道中人也。子弟而志在理學。也不精亦祇論之偏耳。則仍是理中人也。有此學道學理之志。務在文藝。必不徒飾乎章句之浮詞。而士風可保其無壞。務在功名。必不屑作。夫逢迎之巧宦。而官箴可保其必清。縱勢隨時。異願與心違。一劍一琴。終不失老儒面目。一瓢一簞。亦不墜寒士操。持父以教其子。祖以傳其孫。代有清風。門多瑞靄。此非其家有善教之驗乎。然非於其初而即早培之。預防之。聊爲姑息。其後縱嚴訓焉。亦常不及之勢也。寡婦率多愛子。農夫亦有驕兒。長則不知教。養何方耕耘何術矣。詎知起樓者勤工於其址。植樹者著力於其秧。況幼兒之心。猶火也。火無不燄。炊之爐。斯有烹調之功。幼兒之性。猶水也。水無不流。注之甕。斯有羹湯之用。不然。泛泛之波。不難衝岸。星星之火。最易燎原。唯以學舍爲鑪。收斂其心。書箱爲甕。淘汰其性。心不放。則天真粹。性不野。則靈氣融。上等資稟。應以爲聖賢爲將相。勉之微論。其能否而心焉。

喻之矣。中等資稟，應以作志士，作達人，勉之。微論其能，否而心焉向之矣。下等資稟，亦應以其所易學者，擇一技以授之，使之自守其業，贍養其家，而不至溢而爲惡等而下之。不朽之質，不雕之材，良工搔首，大匠攢眉，亦不妨以己百己千，嚴爲課之。一年不悟，俟之三年；三年不悟，俟之五年。總宜養其濁質，不染惡習，望其開花結實於將來耳。倘復强悍自恣，乖張成性，不知而矜，不明而鑿，以凶爲武，以暴爲剛，不守家法，必犯國法，鞭之可也，囚之可也，勿謂其孤也，而惜之，勿謂其弱也，而憐之，絕不絕德也，死不死命也，與其生而不教，何若不生，與其有而不肖，何若不有。芳園桂樹，詎令鴉棲一鴉，棲而羣鴉集矣。廣廈重樓，那容鼠穴一鼠穴，而羣鼠生矣。且也，欄有瘟牛，村牛皆病，門有瘋犬，鄰犬皆災，弟也不才，諸兄累焉，並累及其姪子也。不才乃父憂焉，並憂及其孫夫。憂及其孫，猶是其子之有庸福者，累及其姪，猶是其弟之有庸福者。幸而椿萱並茂，棠棣聯芳，以才養不才，尙可以藏垢納汙於不覺，不幸而庭幃並寂，堦籬獨吹，以才養不才，幾何不羣凶黨惡而有餘噫。失訓於初者，一時貽害於後者，幾代致令愚魯者上達，無由愚蠢者下流，甚易，豈非千古父兄大聲疾呼，所謂深悔痛恨，莫可如何者哉。吾謂天下事值萬難之際，必有兩全之策，以處之，斯不至一敗而終無所濟。有子弟者，欲其後先相繼，愚知相維，不僅以身教，而復以心教之爲

計得焉。以身教之。止於身所及。教者而教之。以心教之。並於身所不及。教者而亦教之。身教者。書香也。書無不香。身苟不及。教則不香矣。心教者。福澤也。福無不澤。身雖不及。教而福亦澤焉。縱高堂不盡。享遐齡後嗣不盡。毓秀氣而心教未衰。善者固日近於善。惡者亦漸化其惡。乖戾之風不長。祥和之氣自生。將見家有餘慶。庭有瑞徵。八龍戲彩。子皆鼈頭。獨占之人。三鳳聯輝。弟盡驥尾。羣附之客。象笏牀。擁豹戟。門列世衍。華國代出。良臣麟閣。名高虬彝。功赫不負。天地畀付之仁心。庶慰父兄殷勤之教意。福澤綿延。何其盛歟。然非以心教之不及此。心教維何。曰德而已矣。

此書得之前清光緒年間。原書有序。有跋。係一老年仕官。晚而得子。以爲義方之訓。故以庭訓爲名。書內痛言溺愛之弊。其懇至警切處。能令頑石點頭。誠爲有子弟者座右銘也。

惜遺作者姓氏。如有藏其原書而告之者。尤爲至幸。

仁甫識

張侗初卻金堂四箴

士大夫當爲子孫造福。不當爲子孫求福。謹家規。崇儉樸。教耕讀。積陰德。此造福也。廣田宅。結姻援。爭什一。鬻功名。此求福也。造福者淡而長。求福者濃而短。士大夫當爲此生惜名。不當爲此生市名。敦詩書。尚氣節。慎所與。謹威儀。此惜名也。競標榜。邀津貴。務矯激。習模稜。此市名也。惜名者。

靜。而。休。市。名。者。躁。而。拙。士。大。夫。當。爲。一。家。用。財。不。當。爲。一。家。傷。財。濟。宗。黨。廣。東。脩。救。荒。歎。助。義。舉。此。用。財。也。靡。苑。困。教。歌。舞。奢。燕。會。衆。寶。玩。此。傷。財。也。用。財。者。損。而。盈。傷。財。者。滿。而。絀。士。大。夫。當。爲。天。下。養。身。不。當。爲。天。子。惜。身。省。嗜。慾。減。思。慮。戒。忿。怒。節。飲。食。此。養。身。也。規。利。害。避。勞。怨。營。窟。宅。守。妻。子。此。惜。身。也。養。身。者。嗇。而。大。惜。身。者。羶。而。細。

尋常道理。人人所共曉。乃行事往往犯之。此箴可置座右。以爲觸目警心之助。 仁甫識

錄澄懷園語

周易曰吉人之辭寡。可見多言之人。即爲不吉。不吉則凶矣。

一言一動。常思有益於人。惟恐有損於人。不惟積德。亦是福相。

人家子弟承祖父之餘蔭。不能克家。而每好聲伎。好古玩。好聲伎者。及身必敗。好古玩。未有傳及兩世者。余見此多矣。故深以爲戒。

約失之鮮矣。誠樂莫大焉。

內剛不可屈。而外能處之。以和者。所濟多矣。

以之遇。則可以成功。以之不遇。則可以免禍。者。其惟晦乎。

查悔餘咏金絲桃曰。偶分處士籬邊色。仍是仙人洞口花。鄂西林（爾泰）詠棗花曰。林間暖愛初長日。葉底香憐最小花。

凡人好爲翻案之論。好爲翻案之文。是其胸襟褊淺處。即其學問偏僻處。孔子曰。中庸不可能也。請看一部論語。何曾有一句新奇之說。

程封翁漢舒曰。一家之中。老幼男女。無一個規矩禮法。雖眼前興旺。即此便是衰敗景象。又曰。小

小智巧用慣了便入於下流而不覺此二語乃治家訓子弟之藥石也。

餘齋恥言曰。有家者莫患乎昧大體而聽小言。夫釁啓於背語而禍烈於傳。搆若能結婦妾之口。錮婢僕之唇。宜家將過半矣。

閨中對月絕句云。簾前月色明如晝。莫作人間暮夜看。


聰訓齋語曰。放翁詩。倩盼作妖狐。未慘肥甘藏毒鳩。猶輕此老知攝生哉。

明儒呂叔簡先生坤曰。家人之害莫大於卑幼各恣其無厭之情而上之人阿其意而不之禁。尤莫大於婢子造言而婦人悅之。婦人附會而丈夫信之。禁此二害而家不和睦者鮮矣。

蘇門孫徵君(奇逢)孝友堂家規曰。邇來士大夫絕不講家規。身範故子孫。鮮克由禮。不旋踵而辱身喪家者多矣。祖父不能對子孫。子孫不能對祖父。皆其身多慚德者也。家中之老老幼幼。夫夫婦婦。各無慚德。此便是羲皇世界。孝友爲政。孰有大焉者乎。

祝石林曰。身其金乎。世其治乎。或得或喪。或順或逆。或稱或譏。或憾或懌。無非煨煉我者。能受煨煉者。益不能受煨煉者。損。

清授資政大夫翰林院編修掌遼陽道監察御史大計卓異知安徽安慶府事加三級靜海劉汝
驥撰文



靜觀齋叢錄之二一五言古詩

成人篇錄花雨樓叢書

張壽榮

余年五十有一日形衰頹深懼兒子廢學且或學而誤於歧趨也爰綴以韻語俾之吟誦弗忘取結尾二字命之曰成人篇丁丑陏月書隱老人識於秋樹根齋之東窗

人日示壺兒得二百四韻

汝生甲子秋紀年今十四既讀宜有知胡猶事慢戲緊彼古人中少小先自異童科登晏殊太學遊趙至蕭然林木間任末時講肄劉聰經史通太原憚其銳大都處汝年英嶷瞻偉器一或悠忽焉光陰馳隙駟汝學過八年未窺門與類趨途恐誤歧為山防虧竇我用覩縷言循循舉以次保氏垂六書叔重說文備日月以象形上下以指事江河以諧聲武信以會意考老轉注推令長段借寄前徐後金壇注許賴不墮漢許慎字叔重作說文解字以明保氏六書之法宋徐鉉南唐徐之重不敢輕議焉汝先究心之讀書乃識字古易已失傳李解空蒼萃唐李鼎撰周易集解多採漢魏諸儒之說災異嗟京房清談爭輔嗣魏王弼字輔嗣有易注或則爻辰占鄭康成或則納甲配虞仲翔或消息以時或升

降以位。荀九家或六日七分。中孚譚卦氣。孟喜鄭虞荀九家。孟喜說並隸。下至宋諸儒。冥索滋異議。河

洛先後天。紛紛來作偽。河圖洛書。先天後天圖。傳自陳希夷。暢於邵堯夫。至朱子以易學啓蒙。屬蔡季通起論。又於河圖之九。洛書之十。易置之。偽謬更甚。程傳義

稍優。朱子但言筮。漢以象數徵。駁雜鄰識緯。宋惑於圖書。乃從增障蔽。吁磋羲周言。千載如霧晦。

國朝起諸家。卓哉延壽裔。焦循字里堂。著易通釋。會合爻辭。中同名者。疏證之。體例最善。不為一偏執。綜舉以見例。三百八四

爻。同歸無殊致。借其算術參。稍稍近破碎。循是而變通。易乃不愜。尙書肇今文。伏生為傳始。歐

陽及夏侯。三家衍統系。二十八篇中。於後益泰誓。孔壁出古文。傳者有都尉。傳古文者。首都尉朝。朝授膠東。庸生。以至

師說重。無說我其奈。爰以逸書名。漢人以其書未列學官。俱稱為逸書。度閣等中秘。永嘉典籍淪。江左猶古嗜。

枚。頤官豫章。潛為逞狡獪。上書五十三。妄撰而詭對。偽孔廿五篇。與伏相雜廁。如玉溷碓。砒。如水

涪涇涓。詎知建武年。大航且市利。割裂堯典文。舜典判協帝。齊建武中。吳姚方興於大航頭。市得

取。枚頤偽文。復以逸書為張霸所造。考霸造百兩。偽經及偽傳。衍流至今代。辨此無其人。將為終

古慨。有宋發疑端。開自械與熹。宋吳械朱子始疑其偽。盡力癡結攻。我朝數閻惠。國朝閻若璩字百詩。惠棟字定字。俱著書力攻

增曰若稽古帝舜曰重華協於帝。云云。凡二十八字。此尤偽中之偽。唐人識驗淺。取之作正義。百兩誤逸書。張霸辜得貸。孔冲遠作

取枚頤偽文。復以逸書為張霸所造。考霸造百兩。偽經及偽傳。衍流至今代。辨此無其人。將為終古慨。有宋發疑端。開自械與熹。始疑其偽。盡力癡結攻。我朝數閻惠。棟字定字。俱著書力攻

文。江王段孫出。更如角之持。蕩滓來清光。其書斯精粹。江聲字良庭。著尚書集注音疏。王鳴盛字

異。孫星衍字澗如。著尚書今古文注疏。書皆精粹。舍厥數家言。應難求殿最。詩初有四家。毛公傳弗替。齊魯燕韓嬰。後此

無其繼。毛如控飛韉。三家凡材試。凡材飛韉遇。伊胡不道避。鄭乎箋宗毛。駟騏濡。六轡雖或少。異

同。非若縱游騎。云何後人愚。駑駘爭驟。騏駼毛既不留存。鄭亦遭排擠。古義守儒先。一朝士梗棄。大

序。王化原。小序列。美刺淵源出。卜商培擊。顧無忌。而其所說。詩求馬於唐。肆青衿。而淫奔風雨。而

污穢。厥謬千里多。毫釐又奚啻。此如馳康莊。瞑目甘顛躓。但為前驅。矚悠悠。導旌旆。所幸我朝

儒。一豁重曖曖。考正詳且明。戴震字東原。著後箋覈而彙。胡承洪字黑莊。陳奐一疏成。直窮河間

遠。陳奐字碩甫。點詩毛氏傳疏。取而鑿。飲之。吾生足沾勺。士禮十七篇。高堂傳漢世。獻王雅好古。周官已缺壞。

千金購冬官。考工列其際。刪錄而去重。禮有大小戴。授受本后蒼。初號曲臺記。曲臺說無傳。虛植

馬。融但篇第。禮經備典章。注者資博識。高密有通儒。鄭康成。高密人。淹貫羅巨細。乃自晉及唐。用之無能

廢。宋儒性理談。亦知任非易。故於三禮中。曾未置一喙。敖氏服傳疑。陳澧集說綴。寸莛洪鐘撞。將

毋嗚狂悖。我朝經學崇。鬱起人才蔚。或譜宮室圖。江永字慎修。著儀禮釋宮圖。增注。焦里堂著萃經宮室圖。或正深衣制。任大

幼植。及江慎修。俱有說深衣書。或考及祿田。沈彤字冠雲。著周官祿田考。或說及祫禘。惠定宇著祫禘說。或例而胥通。凌廷堪字次仲。著禮經釋例。及

任大椿弁服釋例。或綱而盡會。江慎修著禮經綱目惠金丁胡書義尤精鑿釋求古錄禮說丁晏字儉卿有三禮釋注。

胡培暈字竹邨有儀禮正義並多精核之語。雖異全經詁煌煌舉其大春秋始五家夾鄒傳不再。夾氏有錄無書鄒氏無師公羊有

嚴顏。莊宏授嚴彭祖顏安樂注則何休在墨守號專門盲痾二家恚。何邵公著公羊墨守左氏音官穀梁痾疾瑕邱治穀梁傳之

千秋蔡。自瑕邱江公數傳至蔡千秋並為穀梁之學好尚博士徵乃有太子衛。漢衛太子好穀梁微江公孫為博士邱明受業親作傳承

聖誨曾申而起期。曾申受業邱明以傳吳起起傳其子期數傳至賈誼元興奏立官左進公穀退。和帝元興十一年左氏立學官後遂

殺轉廢。三傳雖互殊其學各有自譬彼三霄露一氣通沉瀼而況去古近見聞復相濟廢傳空談

經起唐啖趙輩。啖助趙匡及陸滄等宋人汨其流益復聲喧沸是用古說陳一掃此秕稗傳義而輕遺奚藉

益禱昧披沙精金揀往往見寶貴我朝為春秋惠氏說不戾。惠半農著春秋說餘亦根本探能於浮議

汰。除如順亭林左傳杜解補正惠定字左傳補注沈冠雲左傳小疏孔辨軒公羊通義劉逢祿公羊何氏釋例穀梁廢疾申何魯論述聖訓教澤覃洙泗七十

子之徒身荷春風被尊聞而行知纂輯微言誌傳之翼。奮章賢蕭之二十篇相畀問王與知道齊

論增其二古論次既殊子張復兩載魯行齊古亡緊豈無軒輊鄭氏魯論注兼考能不泥更討禹

咸書。張禹書號張侯論包咸與周氏並為章句詳盡以周綴唐專何解從諸家亡奚怪宋合以四子義亦不為背而其

訓辭中未必純無類敷衍制度閭嚼蠟果何味大學分經傳補亡徒辭費中庸乎之乎二氏漸浸

漬我朝閩江毛。閩百詩著四書釋地。江慎修著鄉黨。起而擊其懈。於惟做君子。髦學靈光歸。後

案持議平。雅響息羣籟。做君子之號。先師定海黃薇香。論語凡數家。我欲此寢饋。七篇孟子文。論列

屈遊說。復壁匿邪卿。注之。趙歧字邪卿。避難孫嵩家。藏。章指刪善經。所見胡繆謚。唐陸善

注熊重。并其後章指。沿襲出偽本。孫疏如委蛻。宋孫奭字宗古。為孟子正義。有神趙氏。南宋後。焦戴起我

朝。大聲叱龍禱。考典數家珍。說理去陰翳。焦里堂著孟子正義。戴。嗟彼謬學承。瞻其望肩背。孝經

肇名經。聖人之警欬。諸書名經。皆後人所加。古注亡孔國。鄭同後學徒愕哈。元疏而邢冒。孝經疏

行冲作。宋邢昺但為校定。今則知邢不知元矣。孫說而祖謂。釋文所列鄭注。蓋辛之孫小。厥誤剖阮書。不讓便便筭。國朝

著孝經義疏。諸義膚淺刊。亦自能深嗜。爾雅傳宋疏。陋劣稱善未。邵氏有撰著。邵晉涵字二雲。咸

為嗜炙膾。繼以郝氏疏。郝懿行字蘭皋。倍益人智慧。方言戴證伸。戴東原著。江注繫。江良庭

疏證。聲類與字林。錢大昕號竹汀著聲類考。任大春著字林考逸。俱足啓蒙閉。由斯韻學求。如循郵表。暇訓詁與聲音。庶不

鉅鑿柄。古韻廿一部。依類為附麗。括之盡十五。平入相調劑。說詳案。音近雖互通。部分要各施。本

朝言韻家。顧炎武字江慎修祖之鼻。戴東原段懋孔翼王念孫石耀朱震聲登堂並揚袂。晉三注有字晉三

更精之區流及滙滄。我為案定錄。擇善去其累。予嘗論列諸書。上之經史文。其下方音暨。考異而

證同。取用真不置。會通羣經註。高郵足睥睨。高郵王念孫字石申述聞擅精深。釋詞破拘滯。伯申所

著廣雅得疏證。廣雅疏證王石申著無復高閣置。論功準戎行。合作統軍帥。平生景仰斯。吾願曷有既。劬鈔

還數討。遑敢辭。勞勩更若詞。章學六朝尙駢儷。昭選擷其華。熟精奚誣諉。子史餘蘊包。時時供櫛

噉。醞釀根柢深。發而爲藻繪。但以本朝言。諸家劇予跂。其大胡洪袁。胡天游字稚威洪亮吉鴻蒙

歸。鑪錘若彭邵。汪劉彭兆孫字甘亭邵齊燕字荀慈汪中字若孔曾郭厲。孔廣森字郭厲賓谷郭慶字頻伽厲字

樹字樊厥著皆矯矯。並足樹一幟。類苑輯復莊。百家羅淵懿。吾邑姚復莊先生諱燮輯皇朝駢有

若規齊梁。有若摹漢魏。洋洋極大觀。餘者羣空冀。善卷思綺集。陸繁昭字巨石有善卷堂遺集

薄骨力脆。塗澤誇粉脂。徒取俗眼媚。此宜懸爲禁。勿墮其流派。韓歐爲古文。獨力振靡敝。近今尙

桐城。有若吳鈞淬。姚江與甬江。其醇或不逮。我數桐城家。惜抱爲雅製。姚鼐字姬傳著望溪過簡

淡。方苞初月門逕隘。吳德癡字仲倫雄健大樞力。劉海清矯賓之思。魯絮雖皆助觀摩。而難一律概。

學詩李杜瞻。誠如躋秦岱。取法玉溪生。以漸臻上詣。右丞襄陽語。時復結心契。香山而隨園。細已

等曹鄴。古風亦清邁。近體多痿痺。後人倣效之。直如聞夢囈。屏去嚴騷壇。乃可言詩界。凡斯諸功

能。於學皆分內。汝幼不盡明。當思吾言佩。持此進有求。相投如鍼芥。人日人事塵。奚容更翫愒。竹

葉綠。泛觴。梅花香。弄態。物候更番。新。怵揚。靈辰。屈尺璧。寶寸陰。勿忘長自愛。努力歲華初。成人。在。矢志。

剖析詳明。論斷精覈。洋洋二千餘言。探喉而出。振筆而書。想見績學雞窗。功深澤古。其以成人命篇。尤足爲當頭棒喝。兄柱風讀

是渡津筏。是覺路繩。益人智慧不淺。從兄熊占讀

少陵北征。昌黎南山。已爲空前絕後之作。讀此尤覺慮周藻密。響切光堅。家舍人云。積學以儲寶。酌理以富才。吾於是詩見之。曼甫弟劉芬讀

綜舉生平得力諸端。綴以韻語。譬萬鈞之洪鐘。無錚錚之細響。其句法。蒼勁。格律。謹嚴。尤非勁輪。老手不辦。受業方岳年拜讀

捶字。堅而難移。結響。凝而不滯。奇文。大文。有裨學者之文。受業陳丰拜讀

有本。有原。有聲。有色。山河增其感慨。日月爭其光華。迢勁處。如杜淋漓。處。如李才大。識。遂乃足制。此長言。晚鄭捷三拜讀

窮源溯委。派析支分。言之汨汨。味之醞醞。不獨初學津梁。實開成材覺路。至詩筆健舉。一氣攄。

寫如珠走盤中。錯落晶瑩。尤令閱者快意。

淵弟林玉讀

沈檀同氣。乃一鑪之然。笙磬協音。非孤器之奏。作孫氏示兒編讀可。作淵明責子詩讀亦可。

小弟陳日稔謹注

是篇稿列舫廬詩存中。三二相知。遂書索觀。膽寫爲煩。今春郭晚香孝廉見之。愆愆付梓。勉徇其意。因別爲錄出。命兒子校對一過。授諸手民。逾月工竣。用書數語於後。其詩之妍醜。則非予所能自知也。壬午嘉平月八日鞠齡張壽榮識。

一首古體詩。括盡中國學術之全。原原本本。有經有緯。其論列古人處。尤爲精確不磨。有志稽古之士。不可不奉爲指南也。津逮後學。良非淺鮮。

仁甫識

奉天圖書館名譽館長世榮捐送

曾文正公忤求詩二首

錄曾文正公全集

善莫大於恕。德莫凶於妒。妒者妾婦行。瑣瑣奚比數。已拙忌人能。比塞忌人遇。已若無事功。忌人得成務。已若無黨援。忌人得多助。勢位苟相敵。畏偪又相惡。已無好聞望。忌人文名著。已無賢子孫。忌人後嗣裕。爭名日夜奔。爭利東西鬻。但期一身榮。不惜他人污。聞災或欣幸。聞禍或悅豫。問渠何以然。不自知其故。爾室神來格。高明鬼所顧。天道常好還。嫉人還自誤。幽明叢詬忌。乖氣相廻互。重者裁汝躬。輕亦減汝祚。我今告後生。悚然大覺悟。終身讓人道。曾不失寸步。終身祝人善。曾不損尺布。消除嫉妒心。普天零甘露。家家獲吉祥。我亦無恐怖。

右不忤

知足天地寬。貪得宇宙隘。豈無過人姿。多欲爲患害。在約每思豐。居困常求泰。富求千乘車。貴求萬釘帶。未得求速償。既得求勿壞。芬馨比椒蘭。磐固方秦岱。求榮不知厭。志亢神愈汰。歲煥有時寒。日明有時晦。時來多善緣。運去生災怪。諸福不可期。百殃紛來會。片言動招尤。舉足便有礙。戚戚抱殷憂。精爽日凋瘵。矯首望八荒。乾坤一何大。安榮無遽欣。患難無遽懟。君看十人中。八九無倚賴。人窮多過我。我窮猶可耐。而況處夷途。奚事生嗟愴。於世少所求。俯仰有餘快。俟命堪終古。曾不願乎外。

右不求

人情世態洞見肺腑可爲當頭棒喝 仁甫識

康茂園繁峙學署有懷

吾懷仲夫子負米欣然歸吾愛楚老萊躡蹻舞斑衣人生離膝下忽忽欲何之憶我少年時井里從兒嬉甫壯營薄祿出門意遲遲一官爲親喜山城復羈縻官冷飯不足嗟哉無鮮遺感此傷客心晨昏忍暫違寒風透四壁瑟瑟砭人肌以我念母日知母憶兒時憶兒憐其少憶母慮其衰人生願爲兒結念常在茲

仁孝之言淡而彌永 仁甫

曾文正公示九弟

松柏翳危岩葛藟於鈎帶兄弟非他人患難亦相賴行酒烹肥羊嘉賓填門外喪亂一以聞寂寞何人會維鳥有鷓鴣維獸有狼狽兄弟審無猜外侮將予奈願爲同岑石無爲水下瀨水急不可磯石堅猶可磕誰謂百年長倉黃已老大我邁而斯征辛勤共蠶穢來世安可期今生勿玩愒

藹然友愛之言 仁甫

趙甌北青山藏莊歌

錄甌北集

毘陵城北皆平地。何許林巒疊層翠。路人說是青山莊。門貼新題官賣字。我來出郭偶經行。歎戶曾無主出迎。繡闥雕甍空。尙在殘山賸水不勝情。頭白園丁老扶病。爲余縷述資談柄。園是前朝貴介爲。依稀記得延陵姓。後屬安昌相國孫。廿年行樂尤繁盛。相國勳名在廟廊。清貧未有午橋莊。令孫繼起爲方伯。分陝曾栽召伯棠。罷官歸徙常州住。百畝林扃供散步。入門便陋舊規。樵大笈。前人太寒素。已編錢垆買堂成。拚倒金籬將地布。不覺松杉已改觀。何曾臺榭還如故。繚垣甃異枳。編籬砥室築。臨花夾路十馬馳。毬闢作場百牛拖。石排依樹粉本溪。山似幃懸壁衣。藩溷皆紗護。一重一掩景。迴環某水某。邨途錯互倚杖疑。探采里幽汎舟訝。入桃源。誤勝賞。經年興不殘。四時花鳥暢遊觀。清音警露鳴仙鶴。浩態嬌春豔牡丹。西府海棠移釵砌。上林盧橘植雕闌。跳波魚婢能知樂。挂檻鸚哥解勸餐。園林成後教歌舞。子弟兩班工按譜。法曲猶傳菊部箏。新腔催打花奴鼓。反腰貼地骨玲瓏。擎掌迎風身媚嫵。阿誰棋檯伴壺觴。締几羅幃樂未央。幸舍賓朋珠履貴。便房姬妾翠鈿香。傾城妓入籠。鵝館要路官登射。鳴堂熟客倚水終日計。乞兒向火一羣忙。主人自顧矜豪放。揮霍不將錢篋障博局。籌償舊帑錢纏頭。錦出新花樣。茶經蟹眼淬旗槍。食品程

屑調醅。醬蠟淚成堆。更熬膏。酒瓶臥壁。仍傾釀。笙歌酣倚。賞花亭。燈火醉歸。邀月舫。自製當筵上。壽詞青山與我常。無恙。豈知厄漏比泉流。猗頓潛懷折閱憂。已失。又思求塞馬。未蹊輒欲奪田牛。豪名本足招人妒。禍事真成與鬼謀。張樂正期投轄飲。叩門忽報檻車收。填尸園土悲黃犬。回首歡場付爽鳩。春夢一場那可再。祇今惟有青山在。青山也要屬他人。官價三千聽人貸。猶憶倉皇對簿趨。難憑復壁寄錙銖。委地圖籤爭剔玉。隨身衣履敢留珠。翻教百口求春貸。那有千金賄獄輪。籍到平泉花木簿。林霏亦似淚模糊。平生枉使錢如水。此日人情薄於紙。有誰廣柳路旁迎。并少綠珠樓下死。老僕如今也入官。仍充園戶守荒寒。飢窮全仗遊園客。給一文錢一度看。往日監門梁肉厭。近時失路斗升難。我聞此語心根觸。信有興衰如傳轂。重向林巒曲折尋。繁華彷彿留人目。垂楊影裏釣堪垂。秋樹根邊書可讀。愛山我乏買山貲。有山渠少看山福。空餘別廟記花神。自塑泥身占岩谷。晝寢香消落燕泥。空堂氣冷飛蝙蝠。平津廐庫古曾悲。華屋山邨今莫哭。梓澤風流昔未徑。踏春偶到訪池亭。無端一段園丁話。說到傷心不忍聽。日暮歸途回望處。夕陽猶照晚山青。

極似梅村仿長慶體而粉麗過之 袁簡齋

豪奢之狀衰落之形讀之使人欲歌欲泣動魄驚心可爲酣豢富貴者當頭棒喝 仁甫

其二。磨骨董云。世間何者爲古物。尺五青天。一明月。世間何者爲眞靈。日星河。嶽聖賢。經彼食肉者。何儉父。以假作眞。新作古。遂使市井。售利徒。窮極妝點。相欺誣。先秦銅鼎。漢玉斝。阿房宮甑。未央瓦。李斯古篆。右軍書。戴嵩老牛。韓幹馬。湘簾裴几。清絕塵。一一妥帖而橫陳。若者商周若虞夏。平視羣材。高索價。吁嗟乎。我生已後。三千年。眼光那及前人前。別乃寶物。出非偶。鬼護神呵。妖魔守。書言用器。惟求新。當王者貴物最珍。羲皇以前。瓦與石。縱在人間。何足惜。君不見貧兒乞食。善解嘲。原憲之杖。顏回瓢。又不見奇珍。從古無世壽。玉璽而今已非舊。

可爲好古董者破除迷惑 仁甫

其三。跑熱車云。雷聲善善。長安街。九達大路。揚塵靈。忽然到眼疾如駛。奇肱之車飛而來。車中之人。美如玉。錦帶吳鉤。新結束。車傍之僕。秀且明。窄襟禿袖。雙貂纓。執鞭者如齊越石。意氣驕人。殊自得。此時可有闔門妻。窺見夫郎好顏色。試問輪蹄爲底忙。來從何處去。何方卻離羅綺。開筵地。會向氈氍。選色場。色圍香陣。銷魂劇。鎮日笙歌喧不絕。錦上繁花。火裏蛾。此車亦復因人熱。熱場熱客。自營營。冷眼看他。襪襪行。直爲炎官效奔走。非關汗馬博功名。緇塵我亦馳驅客。做車代步

聊棲息。相看肥馬氣揚揚。自笑蹇馿行得得。若風從。若雲從。騁而先者。羽毛豐。真不愧。車如流水。馬如龍。爲鷄口。爲牛後。跂而及者。牛馬走。未免嘆。車如雞。棲馬如狗。

此可爲紈綺游玩者之戒 仁甫

梁晉竹鴉片篇全上

窄衾小枕。一榻鋪陰房。鬼火紅糝糊。中有爲肩鶴背客。夜深一口青霞呼。非蘭非鮑氣。若草如膠。如錫色。則烏或云烏糞。或花子。運以土化搏泥塗。加以水齊炮製法。文火武火煎爲酥。清光大來。渣滓去。鍊金而液成醞。此品來自西域地。居奇者誰番賈胡。朝廷嚴禁官曉諭。捆載來若牛腰蟲。關津吏胥豈不覺。偷而賂者千青蚨。况復此輩盡癖嗜。一見寶若青珊瑚。近聞中國亦能製。其物愈雜毒愈痛。吁嗟黃金買糞土。可爲痛哭哀無辜。頗聞此物妙房術。久服亦復成虛無。其氣既窒血盡耗。其精隨失髓亦枯。積而成引屏不止。參苓難起膏盲甦。可憐世人溺所好。寧食無肉此不疎。典裘質被靡不至。那顧屋底炊煙孤。噫嘻屋底炊煙孤。牀頭猶自聲嗚嗚。

原原本本窮神盡相 仁甫

又裝煙之管俗名曰槍有人句云此與殺人凶器等不名煙袋故名槍

三原孫枝蔚豹人。少年行云。少年不讀書。父兄佩金印。子弟乘高車。少年不學稼。朝出烏衣巷。暮飲青樓下。豈知樹上花。委地不如蓬。與麻可憐樓中梯。枯爛誰論高。與低爾父爾兄歸。黃土爾今獨自當。門戶爾亦不辨畝。東西爾亦不能學。商賈時衰運去繁。華歇大水年年傷。禾黍舊時諸青衣。散去知何所。簿吏忽升堂。催租聲最怒。相傳新使君。憐才頗重文。爾曾不識字。張口無所云。賣田田不售。哭上城東墳。昔日少年今如此。地下貴人聞不聞。

雲間孫鏞批云。此詩可爲紈袴子作傳。

活畫出富貴子弟本相來。今人讀之可笑可憐。冷嘲熱罵。何啻清夜鐘聲。 仁甫

憶母詩

謝道承

兒來前。自堯經。今凡幾年。兒可記。自堯經。今凡幾。帝兒時。應對稍。遽巡母。怒變色。旋喝嗔。陳篋遜志。學人責。稽古胡不如。婦人吁嗟。母言在耳。兒顏猶泚。安得吾母常。嗔兒常泚。于今勸學無聞矣。

仁孝之言如聞其聲 仁甫

詠史樂府

伏生女

顧斗光

坑不得。閩內儒。燒不得。腹中書。伏生。父。女。皆。口。授。典。謨。訓。誥。如。其。初。吁。嗟。伏。生。女。強。記。人。不。如。

漂母

哀王孫。在淮陰。一飯之恩。如海深。衷王孫。不求報。千金之贈。不可少。千金容易。一飯難。沛公家有。轅釜嫂。以上二詩節短音長。饒有遠致。仁甫

吳蘭雪禽言詩 此歎世路之難。而思隱於田間之詞。古音古節。寄託遙深。仁甫

泥滑滑。泥滑滑。陷我青鞋。汚白襪。襪猶可。浣鞋可。脫。此足一失。難自拔。萬里之窮。跬步間。何必啼猿。上三峽。一踐春冰。吾白髮。

得過且過。得過且過。羽毛五色。今摧挫。當日鳳凰。不如我。琅玕不實。桐無陰。一別丹山。風寒。餓。戢影。空岩。吾尙可。

行不得也哥哥。行不得也哥哥。江聲激。激山峨。峨入峽。出峽。顛風多。舟行逆水。殊蹉跎。下灘。一擲。如。驚。梭。船底。怪石。森矛戈。道險。天寒。君奈何。

不如歸去。不如歸去。江山縱好。非吾故。故鄉。雖少。二頃田。栽徧梅花。三百樹。花光照。天香撲。人踏。雪。曾。能。忍。歸。路。吾。歸。彈。琴。兒。誦。經。全。家。俱。在。花。深。處。風。雪。何。爲。傷。歲。暮。

湖亭弔月圖記

湖亭弔月圖者。吾友王君子猷。悼其弟孝子子詒。茂才之所作也。子詒以光緒庚辰四月五日。以
釀母疾請代。自沈於鄞之月湖。以汨羅之湛身。爲娥江之殉。孝卓參山立。靡得稱焉。於戲人之云。
亡。忽移時序。春水猶碧。秋蕪已黃。悠悠逝川。如何可返。子猷哀此沈魄。追懷曩游。往往濁醪素琴。
臨流獨弔。雖風雨之夕。未嘗不裴裊其間。令原之悲。若在初歿。一夕者。新雁初至。涼蟾始輝。爰召
竹林之徒。將修桂醕之奠。時則遙嵐隔霧。翠澹欲無。斷柳迷煙。烏棲如墨。雙罔出而窺。客鷗鳧起
而媚人。過賀監之宅。祇聞螻蛄。尋黃公之墟。但有螢照。既至衆樂亭小憩。第見墨蹟將落。酒塵已
寒。月苦風尖。愴然而已。子猷告余曰。吾向者與吾子詒。航此幽勝。長爲雅遊。既流連古今。商榷文
史。亦或披蘿。選壑。結桂。尋山。就孤花而命絃。招媚月而騰爵。湘葉當裊。助其裁吟。芳籬在波。媚此
含笑。雖至曉華上衣。殘露沐鬢。牽手顧望。猶不忍歸。而吾子詒獨慨然於浮雲之移陰。與埃露之
賸蹟。則顧謂予言。恐此樂不可復再。嗟乎。留詩於壁。猶存息壤之言。翦紙爲旛。竟作招魂之讖。雖
復絳都紫府已位。眞靈嘒管。行車尙尋夢。觀（子詒亡後年餘於崑上致語。自言爲月湖玉塵仙
官）而時同節異物是人。非逝者如斯。豈能不痛言未已。月有淒色。湍作哀聲。若有金支碧旄。翩

碧空而來。下。于是仰宇而嘯。溯空而呼。布楚筵而禮魂。擷湘葉以致奠。招魂之紙。與亂葉同飛。墮淚之聲。共流泉並咽。眞足以悽愴傷心者矣。斯遊也。子猷既屬楊君仲甫繪圖。而命余爲之記。自維身世。每遭遭迴。矧以見聞。動多於邑。聽向生之笛。慘欲無聲。彈子敬之琴。悲難成調。默默悼歎。不欲更宣。祇以吾子猷鄭重相屬。桓玄祝予之痛。王徽告弟之書。低回死生。感觸今昔。遂與泚筆記之。續悼騷之賦。同此煩冤。代懷舊之詔。庶留往蹟云爾。

光緒七年歲在辛巳孟秋月金匱鄧濂石臞原稿

王子猷前輩弔其弟孝子子詒茂才詞

湖水拍天白。四顧一長吁。自君死。孝於此。忽忽兩年餘。畢竟歸眞何處。賸得數行題字。泪血共模糊。
（賀祠苻衆樂亭柱上有遺筆大書曰。漱六道人歸眞處。七字。後自識。里貫年月。今已命工刻石。）我欲賦仇海。把筆泣烏烏。痛當日。祈母病。竟捐軀。中流一躍千丈。搶首籲天衢。此日慈闈強健。怕過柳汀故址。
（其地本名柳汀。爲南宋月湖十景之一。）孝水自縈紆。指點古亭畔。憑說與遺孤。

君豈殉名者。慷慨出天良。但求母病愈耳。此外復何望不分。九霄旌詔更得百篇哀誄。涕淚徧

詞場譎也固宜感毀也亦奚傷（遺疏中有身後毀譽在所不計云云）綬堂句（李越綬先生曾倡挽詩二律）曲園傳（俞蔭甫先生爲撰王孝子傳時與先生猶未識面也）柏臺章（樓玉圃給諫崑巖入告始邀旌表）四明太守好事還擬建祠堂（宗湘文太守將構孝子祠於月湖規畫已定予以慈命力辭而止）贏得忠臣義士相與結鄰千載鼎峙十洲傍（湖東張忠烈公煌言湖西陸狂生宇燁故里並在左右）從此月湖月終古作寒芒

醉汝一杯酒夜半過憧憧（月湖南有東憧憧橋西憧憧橋）玻瓈忽展千頃浩氣母長虹携得聽桐朝草（余搜輯子詒遺詩爲聽桐扃殘草已梓行於世）試向波心擲去湖水爲之東慘澹海雲起天外又哀鴻 祕監廟尙書墅水仙宮當年夜夜湖上踢臂月明中今日阿兄來此爲問九京豪興可與昔時同胡不跨鯨背依舊共吟風

澤畔喚君徧底事不曾膺虬鸞前夜來降玉塵字分明（去冬小除夕子詒降筭言奉天帝敕簡授玉塵仙官與越中誠一壇鸞諭悉合已而有女仙茹姓者隨降年止十六問之則从神也）大好風清月展不見茹家小女隨鶴到湖亭但覺渡頭水歇咽作悲聲 大招只招魂些不堪聽試聽萬口雷歎行路也酸心何況春令原上憑弔魚龍界外禁得淚涔涔待譜水仙操何處覓遺

棄。

萬恨滿胸臆。欲訴與君知。無如欲訴難訴。哽咽不成詞。便道浮生若夢。浮生若夢。悲歡幾何遺。疏中語也。如此雷驚電激。撒手大離。奇逝者長已矣。生者又何之。讓堂膳。陰堂窆。艸堂貲。可憐。頽仰出處。事事費。湛思悽絕。三年乞食。獨向江湖。譌笑相和。乏墳。鯁汎汎。類萍梗。冥漠儻扶持。二十九年夢。一旦豁然醒。痛君墮地兵。敲。踏。蹬。到而今。五載婺州隨宦。五載明州從學。始博一衿青。精爽豈銷歇。或者侍三清。塵世事。除忠孝。總浮名。君今全歸。全受。算不負平生。猷我孤羈雲海。祇恐歌離弔夢。蒲柳望秋零。剪紙不堪語。千古恨彌襟。

月湖追悼亡弟子詒成水調歌頭六解詞蕪意紛律疏音舛歌以當哭不遑推敲卽綴湖亭弔月圖后以志人棄之戚而已時光緒壬午新秋繼香作鄞學舊齋

題湖亭弔月圖

上元宗源瀚湘文

何處月無色。何年水不波。看君回首地。終古斷腸多。但覺淚難盡。焉知名不磨。霜棧生。又素防爾鬢。絲蟠。

前題

慈谿何松徠青

和陶淵明讀山海經十三首

兩農

吾自落塵網。久與田園疏。勞勞苦行役。決然守窮廬。隱居奚所望。聊復娛琴書。德公棲鹿門。能廻俗士車。富貴苦畏人。豈如飽饅蔬。倦鳥倚孤松。白雲與之俱。采菊時一醉。傳作東籬圖。持問葛天民。此樂吾何如。

荷勸種杞菊。餐英駐童顏。螭蛄無春秋。安知有大年。超然庚桑楚。逍遙畏壘山。悠然契真吾。得意已忘言。

委形寓宇內。結想逐浮邱。帝鄉不可期。素心良寡儔。清泉日在山。無心出山流。慧遠真吾徒。聊作塵外游。

歲晚寒梅發。天心復一陽。委懷聊靜觀。吾廡睡味長。養生事緣督。中聖藉葆光。勿鑿混沌竅。而令死中黃。

崆峒有化人。不受造化憐。詎意官雲氏。問道尋空山。長生始窺冥。廣成豈讜言。抱一學谷神。聊以延天年。

醉夢入桃源。中無凡草木。避秦黃髮人。桑麻老空谷。泛舟發清謳。春服恣風浴。酒醒天地隔。薄帷。

月相燭。

伯牙楚奇士。巖舟琴臺陰。一彈月滿湖。再彈鳥鳴林。山虛水自深。鍾期知其音。斯人邈千載。誰復知予心。

安期食大棗。東海日月長。稚川服丹砂。飛昇理亦常。嵩山有洞天。煮石堪爲糧。所恨無羽翰。蓬萊海中央。

貧士艱一飽。飢驅事奔走。枕籍秘鴻烈。相對呼負負。遼鶴如再來。老病應烏有。此生不可知。安知此生後。

我生一浮鷗。浮沈託人海。老聃物化久。風陵迹猶在。勞侍偷靈藥。漢皇應不悔。駐世守黃庭。尸解自有待。

莊生逍遙游。天地視一指。御寇禦風行。求道心先死。日至以閉關。兢兢虎尾履。盜道執天行。養真庶可恃。

仲連恥帝秦。王觸敢貴士。人生無知己。敦良緬知止。蟬脫出汗世。寓言聊復爾。劬書求甚解。我謝高密子。

樗。樗。全其天。我自羨。散材乘化。我自歸。形生我。即來。笑傲輕神。仙狂態。殊無猜。俯仰。天宇寬。何爲不豫哉。

雨農姓楊名錫霖。前清名翰林。文章各體皆佳。詩亦入古人之室。觀此數首可見。書法顏平原。米南宮。形神畢肖。爲人談吐生風。肝膽照人。乃天厄奇才。既以青蓮之謗。而奪其官。復以相如之疾。而促其壽。造化弄人。謂之何哉。至今讀其詩。猶想見其爲人。曷勝故人宿草之思。

仁甫識

楊雨農半斗道人歌

因係武生園以自號云

康樂一斗才。謫仙一斗酒。一斗才雄俯六朝。一斗酒酣詩百首。劉郎嗜酒有異才。酒杯在手詩在口。較量酒量與詩才。平分古人得半斗。我初聞之喜欲狂。馬牛其風呼負負。漁陽一見肝胆傾。把臂許爲入林友。問我詩才酒量兩如何。別剏一一試。分割我才如穰。穰詩成。率覆甌我酒。祇三升。捫腹已盈缶。道人一笑屢點頭。如君解事今安有。買書足千卷。種秫當百畝。吾道如是是己足。瓦礫何須問莊叟。或曰半斗實五升。諸聲會意別有取。請看射獵南山頭。白面換強雄。赳赳是何嬉笑雜談。諸我今請作獅子吼。下一轉語且試參。道人謂我其然否。

處處切題才大心細。仁甫

仙舫入館伴讀書而有作

袁金凱

大道日梗塞。邪說恣橫流。此鄙輒彼欣。視書若贅瘤。嗟余不自量。慨然發深憂。擁書千萬卷。矮屋自埋頭。愛君脫塵網。邈然無與儔。家徒四壁立。不爲升斗謀。惠然此肯來。把卷共吟謳。相期各努力。所志在千秋。

古音古節氣槩不凡 仁甫

招郁文最功寬二子 五言律

有守何愁賤。無恆真是貧。勤勞收嗜欲。磨鍊出精神。太逸易生病。嚴寒將轉春。梅花飽冰雪。香故絕羣倫。

名言至理。不圖於韻語見之。願天下學子。各書一通於座右。仁甫

奉天圖書館名譽館長世榮捐送

昔白樂天爲香山老人會初止七人其時一百二十六歲之李元爽與九十五歲之如滿禪師尙未入會故香山詩首句云七人五百八十四若合九人計之應爲八百一十五歲此古今罕有之盛余今年招客於斌陞樓同座十一人王君劭農榮君月帆皆年七十七朱君芷青年七十四朴君心甫年七十二汪君荃臺年六十五汪蘭楣王海珊村伯熊三君年六十二世君仁甫年五十九包君月溪年五十六余年七十三合計得七百三十九歲雖較之香山似有不逮然香山諸老遭逢隆盛宜乎仁壽同登吾輩兵火餘生得此殊大不易且此十一人髮齒雖衰神明無恙他日再會或駕香山而上之亦意中事也香山之會爲會昌五年三月二十四日吾輩之集爲戊午六月二十四日年月異而日則同也蒙古巴里客延清識於京師崇文坊寓齋錦官堂

三老詩草

王勗農太守振聲通州人同治甲戌進士前官安徽徽州府知府年七十有七

子澄大兄同年招飲作十老會口號誌盛

座中賓主十一叟壽算七百三十九半周花甲尙康強半過古稀未衰朽
一客五十又五齡也如溫公洛社偶願常相聚再十年直比彭篋更長久
朱芷青太守寓瀛大興人同治壬戌舉人前官河南陳州府知府年七十有四

子澄學士今夏讌客賓主十一人合歲七百三十有九矣作記徵詩

題此請正

昔聞香山會九老一席歲占六百餘後來洛中十二叟八百八十三齡俱
耆英聚合事非偶誌盛往往摹成圖於今時會異唐宋眼底萬態滄桑殊
祇有眞率無二致佚老自與天爲徒錦官主人柏皇裔氣穆太古神充腴

堂開延壽引壽老

君柏姓所居曰延壽堂

一時賓主多霜鬚有客疑年欣布算算成拊

掌滋軒渠十一人越歲七百進以卅九川增如從此年年進不已廿載佇

可千齡符主人作記客爭咏嘉話洵稱世所無僕也幸獲與茲列願更暢

語供傾壺再聚十年易事耳

勅農題有顯常相聚再十年句

所貴善保千金軀名德必與年

并卻庶等勁柏非庸樗漫云在野無可見幾許世教資匡扶游花宴月請

從後洗耳厲齒毋忘初德星適占聚南極大有瑞象光寰區應較往代着

年社同秉清尙尤康娛君不見成鳩之道開萬化泰上廣漠天人居

賜冠子云成鳩

之道泰上用之萬一族八千歲

延子澄學士清蒙古巴哩克人同治甲戌進士前官翰林院侍讀學士

年七十有三

世仁甫學士榮自壬子旋里已閱七年頃來京枉顧即贈用蘇東坡

五十九歲和趙郎中見戲作七絕韻

送君東道唱離歌南望無家歎奈何花甲今猶虛一歲閒中日月耐消磨

汪蘭楣太守鳳梁年六十有二用陸放翁六十二翁吟韻

何幸同官住木天分襟遠泛蜀中船還鄉更訪金閭友入座仍陪玉局仙

座中仁甫與余皆昔日講官也

粵嶠荔香曾獨啖湘江萍跡亦堪憐丹山老鳳雙聲引

蘭楣兄弟本四

人今祇存荃臺太守與君二人也

雛鳳飛騰在目前

包月溪布衣書梅山東福山人年五十六歲仿白香山五古奉贈

生長在福山少小離鄉曲怱怱四十載襤被帝京宿老隱燕市中今年五十六追思兒戲時宛然如在目舊居久處所遠別我宗族豈惟變朝市兼亦遷陵谷獨有玉河水無情依舊綠

戊午秋九月歷城劉慶新尙之彙錄